

**SEGERA**



## KENYATAAN MEDIA

---

### MAJLIS “SOFT LAUNCH” PERSIMPANGAN BERTINGKAT SOUTHVILLE CITY, LEBUHRAYA UTARA-SELATAN PADA 26 MAC 2018

**KAJANG** - Majlis “*Soft Launch*” Persimpangan Bertingkat Southville City, Lebuhraya Utara-Selatan telah disempurnakan oleh Menteri Kerja Raya, YB Dato’ Sri Haji Fadillah Haji Yusof, pada hari ini, Isnin 26 Mac 2018. Hadir sama YBhg Datuk Ir. Hj. Ismail bin Md. Salleh, Ketua Pengarah Lembaga Lebuhraya Malaysia.

Projek persimpangan susur keluar 212A yang terletak diantara susur keluar Bangi dan Putra Mahkota ini dilaksanakan untuk memudahkan perjalanan penduduk bandar tersebut dan sekitar kawasan yang rata-ratanya merupakan pengguna Lebuhraya Utara-Selatan.

Pembinaan projek ini telah dimulakan pada bulan November 2014 dan telah siap pada pertengahan Mac lalu. Ia dijangka akan dibuka kepada pengguna pada suku ketiga bulan April ini, tertakluk kepada pemeriksaan terakhir dari segi keselamatan.

Plaza Tol ini dilengkapi dengan kemudahan Touch ‘n Go, Smart TAG serta Sistem Frekuensi Radio (RFID). Jarak persimpangan bertingkat ini dari lebuhraya hingga ke tol adalah 1.2km dan terdapat 8 lorong masuk dan 6 lorong keluar tol.

Dianggarkan hampir 69,000 penduduk Southville City akan mendapat manfaat apabila ia dibuka kelak. Hampir 1.15 juta penduduk di sekitar kawasan Kajang, Putrajaya, Cyberjaya, Semenyih, Dengkil dan Nilai akan turut memperoleh manfaat dari persimpangan ini.

Persimpangan bertingkat ini menyambungkan Lebuhraya Utara-Selatan ke Southville City serta memendekkan jarak perjalanan dari Southville City ke ibu kota Kuala Lumpur. Persimpangan bertingkat ini juga bersambung ke Jalan Kajang-Dengkil (B18) di bahagian selatan bandar Southville City dengan menyediakan akses baru untuk aliran trafik dari Dengkil dan Putrajaya.

Ketua Pengarah  
Lembaga Lebuhraya Malaysia



26 Mac 2018

---

Dikeluarkan oleh:

**Unit Perhubungan Awam, Bahagian Sumber Manusia dan Korporat | Lembaga Lebuhraya Malaysia**

☎ : 03- 8738 3000 / D.L :03-8738 2506 / 2515 / 2692 | 📠 : 03-87383555

🌐 Laman Web : [www.llm.gov.my](http://www.llm.gov.my) |  Lembaga Lebuhraya Malaysia |  @infotrafikllm |

✉ aduan@llm.gov.my